



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Metropolis Salisbvr gensis

Continens Primordia Christianæ Religionis Per Boiariam Et Loca quædam vicina; Catalogum videlicet & ordinariam successionem Archiepiscoporum Salisburgensium, & Coëpiscoporum, Frisingensium, Ratisponensium, Patauiensium, ac Brixinensium

**Hund, Wiguleus**

**Monachii, 1620**

Priuilegia ab Ottone III. Episcopo Christiano & Ecclesie Passauensi concessa, à D. Hundio insinuata, sequuntur.

**urn:nbn:de:hbz:466:1-13553**

fuis largiremur vsibus. His igitur moti querelis, militumq; interuentionibus allubefcentes, suspiciendæ reuerentiæ Theophaniæ domine matris nostræ semper Augustæ, amborumq; Nepotum nostrorum, Henricorum, Ducum scilicet Batariæ ac Carinthiæ Regionum, postulata eo tenore concessimus, vt liberi, cuiuscunq; conditionis sint, qui destinantur coloni in locis pertinentibus ad sanctæ Patavien. Ecclesiæ præsulatum in honore beati Stephani prothomartyris Christi constructum & dedicatum, vbi sanctus Valentinus & Maximilianus confessores Christi corpore requiescunt, sitis in Marka hæctenus Luitvvaldi Comitis, à nostrorum Ministerialium deinceps sint districtione absoluti; & quicquid noster publicus Fiscus ab illis exigere vel percipere poterit, hoc totum in cunctis Aduocato præfatæ Ecclesiæ Patavien. exigendum & percipiendum ad iam dictam Pontificis Piligrini successorumque suorum utilitatem perpetim condonamus; nec pro vlla alia occasione aut vadium solvere, aut ad comitatum ire à Marchione, vel aliquâ Iudiciariæ potestatis personâ, conentur, nisi eâ lege vel Iure, quo Ecclesiastici serui, ab extraneorum pulsati reclamationibus, pro satisfaciendâ iustitiâ, ad placitum ire compellantur. Et vt hæc auctoritas nostra præsentibus futurisque temporibus, Domino protegente, valeat inconuulsa manere, manu propriâ subter signauimus, annulique nostri impressione signari iussimus. Signum Domini Ottonis, gloriosissimi Regis. Hildvvaldus Episcopus, ad vicem Willigisi Archicapellani recognoui. Dat. pridie Kal. Octobris, Anno dominicæ incarnationis DCCCC, LXXXV. Ind. XIII. Anno autem tertii Ottonis regnantis II. Actum Babenbergæ in Dei nomine feliciter, Amen.

11. *Privilegia ab Ottone III. Episcopo Christiano & Ecclesiæ Passaviensi concessa, à D. Hundio insinuata, sequuntur.*

I.

*Regim*  
*manus.* IN nomine sanctæ & indiuiduæ Trinitatis. Otto diuinâ fauente clementia Imp. Augustus. Quia respicit ad Regum ius prodiuino amore Ecclesiæ Dei exaltare & confirmare, ideo omnibus fidelibus nostris, præsentibus scilicet & futuris notum esse volumus, quomodo vir venerabilis Christianus Pataviensis Ecclesiæ Episcopus ad nos venit rogans & petens, vt omnia à Regibus vel Imperatoribus aut ab aliis viris religiosis aut fœminis eidem Ecclesiæ tradita nostræ auctoritatis donatione confirmaremus, sicut antecessores nostri Reges & Imperatores fecerunt.

Eius iustæ petitioni pro animæ nostræ remedio pium assensum præbentes, omnes curtes, Abbatias, Ecclesias, vicos & villas, & alia præsidia cum suis pertinentijs ab aliquibus personis maioribus, & minoribus pro mercede æternæ retributionis præfatæ Ecclesiæ traditas, ac nostræ præceptionis autoritate nouiter eidem Ecclesiæ donauimus & confirmauimus, & insuper nominatim Abbatie quæ dicitur Chrembsmynster, cum omnibus suis pertinentijs, curtibus, vicis & villis, Ecclesijs & alijs vtensibilibus illuc ritè pertinentibus mancipijs vtriusque sexus, areis, ædificijs, terris, cultis & incultis, agris, pratis, campis, pascuis, syluis, & venationibus, aquis, aquarumque decursibus, piscationibus, molendinis, vijs & inuis, exitibus & redditibus, quæ sitis & inquirendis, cunctisque alijs appendicijs quæ dici possunt. Capellam quoq; Ottinga nominatam, cum omnibus rebus ritè aspicientibus, MATHASE ABBATIAM & cur-

& eurtim Rinte cum alijs eurtibus & pertinentijs qua alio modo nominari possunt, similiter nostræ autoritatis donatio hoc nouo ad iam dictam sanctam Pataviensem Ecclesiam sub sua prouisorumque eius potestate perpetualiter habenda corroboramus. Et vt hæc nostræ donationis confirmatio præsentis ac futuro tempore firma consistat, hoc præceptum inde conscriptum nostroque sigillo signatum manu propria corroborauimus.

Signum Domini Ottonis gloriosissimi Regis, Hildebaldu Episcopus & Cancellarius vice Willigisi Archiepiscopi recog. Datum VI. Kal. Febr. Anno domini incarnat. DCCCCXCIII. Indiæ. VI. anno autem III. Ottonis regnantis X. Actum Trorunnamne.

## II.

**I**N nomine sanctæ & indiuiduæ Trinitatis. Otto diuinâ fauente clementiâ Rex. Notum sit omnibus nostris fidelibus præsentibus scilicet & futuris, quomodo nos, diuini amoris instinctu, & fidelis nostri Christiani Pataviensis Ecclesiæ memorabilis Episcopi rogatu, quæ semper non paruam molestiam perpessa est, debitam inde exigentibus seruitutem, eidem Ecclesiæ, cui ipse iam di-<sup>\* Generk-  
bilis</sup>ctus pontifex Christianus modo honorabiliter præsidet, suisque successoribus, hæc nostræ auctoritatis donatione concedimus, vt nullus dehinc Dux, vel alia quælibet potens persona, de eadem Ecclesia, vel locis illuc pertinentibus, steuram aliquo modo exigat debitam, aut coactam tollere præsumat, sed ipsa sub immunitatis nostræ Regia defensione ab omni Ducum, aliarumue potentium personarum coacto seruitio perpetualiter immunis consistat, excepto, quod Regio honori, vel Imperatoriæ dignitati præsens prouisor præfatæ Ecclesiæ, sui que successores, charitaticia mente iusteque impendere debet. Si quis vero huius nostræ donationis præcepti violator extiterit, sciat se quasi transgressorem Regiæ mentis & gratiæ iure redargui, & detrimentum pati. Et vt hæc nostræ Donationis concessio præsentis & futuro tempore inuiolabilis permaneat, hanc nostræ celsitudinis chartam inde conscripam sigilli nostri impressione signare iussimus, manuque propria, vt infra videtur, corroborauimus. Signum Domini Ottonis gloriosissimi Regis. Hildebaldu Episcopus & Cancellarius, ad vicem Willigisi Archiepiscopi recognouit. Dat. VIII. idus Febr. Anno dominice incarnat. DCCCCXCIII. ind. VI. anno autem domini Ottonis Regnant. X. Actum Diaspurgo feliciter Amca.

## III.

**I**N nomine sanctæ & indiuiduæ Trinitatis. Otto diuinâ fauente clementiâ Romanorum Imperator Augustus. Si locis diuino cultui mancipatis alicuius honoris & proprietariæ roborationis augmentum præbere studuerimus, diuinitus nobis remunerari procul dubio credimus. Quapropter omnium sanctæ Dei Ecclesiæ fidelium nostrorumque præsentium & futurorum nouerit vniuersitas, qualiter nos, ob remedium animæ nostræ, parentumque nostrorum, & propter strenuam petitionem Henrici Ducis, nostri fidelis; immo Christiani sanctæ Pataviensis Ecclesiæ venerabilis Episcopi, eidem sacrosanctæ sedi in honore sacratissimi prothomartyris Christi Stephani consecratæ; concessimus atque largiti sumus eiusdem Ciuitatis mercatum, monetam, bannum, Theoloneum, & totius publicæ rei districtum, tali tenore, vt prædictus præsul Christianus, sui que successores, omnem publicam rem, hætenus no-

Hh 2

bis

bis in eadem ciuitate Patau. pertinenti habeat, & firmiter Intra Ciuitatem & extra, perpetualiter teneat, sine omnium hominum contradictione. Et vt hæc pro donatio firma sit, hanc paginam manu propria corroborantes, Sigilli nostri plumbeâ impressione iussimus insigniri. Signum Domini Ottonis, Imperatoris Augustissimi. Heribertus Cancellarius, vice Willigisi Archiepiscopi recognouit. Data III. Non. Ian. An. dominicæ incarnationis DCCCCLXXXIX. indict. XIII. anno Ottonis tertij regnantis. XV. Imperij. III. Actum Romæ feliciter, Amen.

*m. m.* Vide Chronicon Episcoporum Patauen. vbi latè de his & similibus: velim tamen lectorem admonitum, non satis bene distingui tempora; Arnolphos item Patrem & filium confundi.

De Berengero Episcopo in M. M. SS. Annalibus Episcoporum Patauen. in membrana quos annales Dn. Hundium non vidisse, aut saltem non eosdem fuisse, quorum & mentionem facit supra pag. 286. haud improbabile est, subsequentiâ leguntur: BERENGERRVS sedit Patauæ annis XXXIII. Similiter sine pallio: hic obtinuit privilegium super decimis omnibus in Orientali prouincia situatis, in Septentrionali parte fluminis Danubij, ab Imperatore Conrado, successore Henrici sancti, anno eius secundo, Dominicæ incarnationis MXXV. subscripto Vdalrico Cancellario vice Aribonis Archicancellarij. Actum Triburiz. Similiter in Comitatu Alberti Marchionis, in omnibus locis constructis & construendis, de omnibus, à quibus decima debet persolui, vt ipse, & sui successores super his liberam ordinandi facultatem habeant. Ipse Berengerus ab Henrico II. obtinuit quoddam prædium in Comitatu Henrici Marchionis, & locum ad construendam Ecclesiam in Herzogburgk, vbi presbyter mansionem facere possit, & vnum regalem mansum in Krembsa & Sigemare, Werd, & Tubra extra ciuitatem & Vomesseuz, in singulis locis regales mansos, & in vno quoque locum ædificandi Ecclesiam opportunam, & de vicino ad construendas mansiones pro presbytero. In Krembsa autem quia aratum prædium non habetur, vbicumque in proximo de proprietate regis inuenitur, pro supplemento ascriptum conceditur. Sed iuxta dicta incidit grauis quæstio, quomodo isti & sequentes Episcopi obtinuerunt per Privilegia, quæ aliàs Sanctæ Laureacensi Ecclesiæ per sanctos Imperatores Philippos sibi in proprietatem Ecclesiæ donata fuere? iuxta superius dicta. Cur ergò, quæta patriâ, post Hungarorum conuersionem Episcopi, qui Laureacensi titulo gloriabantur, à Deo deuotis Imperatoribus, vt Arnulpho, & eius filio Ludouico, & præcipuè ab Ottone primo, & sequentibus Ecclesiæ suæ propria & similiter Patuensi Ecclesiæ sibi restitui iniuste ablata non postularunt? Horum neglectum etsi quidam desidia & stoliditati Pontificum videntur ad scribere, quod videlicet huiusmodi detentatores quæta patriâ non postularunt à suis possessionibus remoueri &c.

*Sequitur Diploma Imp. Henrici III. super quibusdam possessionibus circa Risenperch, & inter flumina Lithaba & Fischa deorsum, cuidam Reginoldo concessis.*

**I**N nomine sanctæ & indiuiduæ Trinitatis. Henricus diuinâ fauente clementia Rex. Notum sit omnium Dei nostrorumq; fidelium solerti industria, qualiter nos fidei nostro Reginoldo, ob ipsius nobis gratum & fidele seruitium, dimi-